

Տէր Յովանէս կաթողիկոսն աստուածաբան :
Որպէս լուսին և արեգակն ի յերկինս կան՝
Սոյնպէս սքառ են ի յերկիրըս Հայաստան :
Սըրբազան քահանայից որ այժմըս կան,
Որ անդադար տիւ և գիշեր առ Տէր կարգան :
Ըստեփանոս եպիսկոպոսըն ծերալեան,
Եւ Տէր Գասպար աւագերէցըն պատուական :
Տէր Խաչատուր, Տէր Չաքարեան ազնուական,
Տէր Թորոս, Տէր Յովանէս վարպետք մանկան,
Տէր Գրիգոր կրօնաւորըն վանական
Եւ Տէր Մարգարն ի հետ նմին ընկերական :
Աստուածասէր տանուտերացըն Լովական,
Բան Գարրիէլն և Բան Թորոսըն երեսփոխան :
Եւ հասարակ են դատաւորք երկոտասան :
Որ արարիչն հաստատ պահէ և անասան :
Ի Ժամանակս սոցուն եղեւ յայս յանգական
Հոգիարար իս աստուածատունկ այս բուրաստան :
Ես իմ անձամբս եղէ սորա աշխատական,
Եւ զնիւթն յառաջ պատրաստեցի աննիազական,
Ետու ի ձեռս Թորոս դպրի երազագրեան,
Տարով զվարձս ձեռաց նորա առատական :
Բազում եղբարս յորդորեցի և ետու բան,
Չի և նոցա ջանիւքն առնել աւարտական :
Մինչեւ ի չորս տարին եղաք աշխատական,
Հազիւ հանաք Աստուածաշունչս աւարտական :
Ետու ի ձեռս Անդրեա դպրի եղբայրական,
Որ կապեաց զսա ի մի տուփի հաւաքական :
Որոց տացէ Տէր մեր Յիսուս վարձս յաւիտեան,
Ձինչ որ աշխատ եղեն նոքա երազական :
Վասն որոյ ես կրսեր ձեր ծառայական
Արտասուլից հայցեմ ի ձէնջ պաղատական,
Յաղօթըս ձեր յիշել զմեզ լի սրտական,
Ոչ մոռանալ յարեւանցի տեսողական,
Ձիս ըզՂազարս Բարերթացիս նշգեհական,
Նա և սիրուն զծնօղան իմ հանգուցական,
Այլ և ազգն մեր արեանառու և մերձական :
Եւ որ յիշէ զիս ըզնուաստս և անպիտան
Եւ վերոյ գրեալսն մի 'ստ միօջէ ամենեքեան,
Նա և նոյն ինքն յիշեալ լինի օրն ահեղական,
Յորժամ նստի Քրիստոս յաթոռ դատողական :